



**ŠOKANTNO** SIPA istražuje slučaj trgovine ljudima kod Goražda

# Djevojčicu prodali za četiri dukata!

Od osoba koje su se predstavile kao njeni otac i brat 14-godišnjakinju kupio ceribaša romske zajednice • Djevojčica rekla da je oteta 30. oktobra u Sarajevu

Pripadnici Državne agencije za istrage i zaštitu (SIPA) preuzeli su slučaj trgovine ljudima od MUP-a BPK Goražde, a žrtva trgovine, 14-godišnja djevojčica iz Sarajeva, smještena je u sigurnu kuću.

## Tradicija Roma

Djevojčicu je od osoba iz Sarajeva, koje su se predstavile kao njeni otac i brat, kupio ceribaša romske zajednice, smještene u kolektivnom centru Podhranjen kod Goražda, Nazif Seferović. U porodici Seferović kažu da nisu znali da je djevojčica oteta te da je policija došla u trenutku dok su pripremali svadbu za svogasina.

- U tradiciji Roma je da kupuju nevjeste, a djevojčicu smo željeli za sina. Nismo znali da je oteta, a njenom bratu smo dali četiri šorvana, od kojih svaki vrijedi po 1.000 maraka. Za nevjeste se



**ESMA SEFEROVIĆ:**  
Nismo znali da je oteta

*Podhranjen: Seferović pripremali svadbu za sina*

plaća i po 10.000 i 12.000 maraka. Kod nas je bila samo dva dana i onda su je odveli. Sada tražimo da nam vrate naše dukate ili da daju 4.000 maraka - kazala nam je Nazi-fova supruga Esma Seferović.

I u policiji su smatrali da se radi o romskoj tradiciji sve dok kontrolom nisu ustanovili da djevojčica nije romske, već albanske nacionalnosti. U izjavi istražiteljima djevojčica je navela da je oteta 30. oktobra na Skenderiji u Sarajevu, gdje je ugurana u automobil.

## Živi s nanom

Zapriječeno joj je da mora koristiti drugo ime koje su joj dali otmičari, a pravi identitet kriti. Žrtva trgovine živi s nanom, koja je pravno neuka i nije znala kome da se obrati,

posebno nakon što su je otmičari primorali da joj se javi i kaže da je kod drugarice.

U slučaju je uključen Centar za socijalni rad BPK, a prema instrukcijama za postupanje s žrtvama trgovine ljudima, konsultirano je Tužilaštvo BiH.

- Istražitelj MUP-a BPK Goražde o slučaju je obavijestio državnog tužioca, a dalji rad na slučaju preuzeli su službenici SIPA-e - saopćeno je iz Uprave policije MUP-a BPK Goražde.

**Al. BAJRAMOVIĆ**  
- A. KAPO

## Sejdić: To je nedopustivo

Dervo Sejdić, potpredsjednik Romskog informativnog centra "Kali Sara" i veliki romski aktivist, u izjavi za "Avaz" je kazao kako je, u najmanju ruku, zatečen informacijom da neko u 21.

stoljeću kupuje osobu.

- Pogotovo je nedopustiva trgovina djecom. U praksi, nažalost, dešavaju se i takvi slučajevi i tome se treba i mora stati ukraj - zaključio je Sejdić.